

## 140 Philosophischer Oefen

den werden / als wann ich solchen für den wahren azoth universalem philosophrum , damit sie ihren latonem waschen/ halten solte/ daß er aber darumb particulariter etliche metalla nicht waschen / vnd sauberen solte / kan ich nicht verneinen / dann er gegen die Metallen mit wunderbahrlichen Eigenschaften begabet ist / davon an andern Orthen mehr soll gehandelt werden.

## C A P U T L X X I I .

Wie man aus Marte vnd Venere einen Spiritum vnd Oleum Tartarisatum machen soll.

**W**iltu aus Eisen oder Kupffer / mit Tartaro ein gute Medicin machen / so nimm zu Eisen einen eisernen / vnd zu Kupffer einen kupffernen Kessel / mache dieselbe von allem Schmutz / schon rein vnd sauber / vnd thue darein rasuram Martis vel Veneris , welches du wilt / vnd zweymahl so schwer Tartari puri pulverisati , vnd so viel Wassers / daß der Tartarus im Kochen wol darinnen zergehen kan / vnd kuche also das Metall mit dem Weinstein wasser so lang / bis daß dasselbe hoch von dem Metall gefärbet ist / als vom Eisen roth / vnd vom Kupffer hoch grün / vnd wann das Wasser im Kochen exhaliret / so muß man anders allzeit wieder hernach gießen / auf daß der Tartarus nicht verbrenne / vnd zu nicht werde / dann allzeit so viel Bas-